

四庫全書

史部

欽定四庫全書

史部

浙江通志卷二百

二十九  
三十

詳校官給事中臣戴璐

檢討臣德生覆勘

總校官編修臣倉聖脉

校對官中書臣石鴻翥

謄錄貢生臣戈廷模

欽定四庫全書

浙江通志卷二百二十九

寺觀

四

湖州府

烏程歸安  
二縣附郭

天寧萬壽禪寺

湖州府志在府治東北陳永定三

年武帝后捨宅建名龍興寺萬曆湖州府志唐神

龍二年改孝義寺吳越錢氏改天寧寺宋紹興七

年崇奉徽宗香火賜曰報恩廣孝寺後又改報恩

光孝十二年改今額明景泰四年僧道文增建普

覺堂萬厯元年知府栗祁重修

鄒緝遊天寧寺詩  
蒞城官暇叩禪關

蘭若蕭條屋幾間石上苔深雙塔峙山中晝永一  
僧閒梅風釀雨春常在野樹巢鳥晚自還昨日籃  
輿曾過處不知  
人世有塵寰

飛英教寺

嘉靖浙江通志在府治東北二里萬厯

湖州府志唐咸通五年忠顓禪師建刺史高湜表

為資聖寺中和五年改為上乘寺宋景德二年改

今額初咸通中僧雲皎自長安來得舍利建飛英

石塔寺以此名

孟淳重修飛英塔院記飛英舍利塔者凡三十層高六十五丈神光

現於絕頂院周於塔肇自唐中和年創名上乘石塔舍利院宋紹興庚午燬歲久未復端平初沂王夫人俞氏施貲命錢唐妙靜禪寺比丘邱尼密印董其事卒成之減三十層高半之其後院無常產主僧勿留頽圯荒落不能自振乃請毗山普光蘭若僧慧日住持以圖起廢未遂茲願復還普光其徒妙演繼主斯席立志興修乃悉捐衣鉢倡其役盡瘁營度不為私計爾時施者益眾佛事大集然後木塔之闕者復還山門法堂之仆者復起像設莊嚴塏堊明麗睿居靚深鈴語清越自延祐甲寅迄於戊午五年而成於是演來求記予因謂浮屠氏往往持空言集大緣其所以能然者損已無我勤懇專一有以觸人心之所同故足以來天下之施無難也吾觀妙演勤矣所就亦盛矣故為之記使

其徒知所以樹立者有道焉耳  
明洪武中分寺為  
矣延祐六年十一月旦日記

二東曰飛英教寺西曰飛英塔院

侯鯖錄東坡為  
吳興守有遊飛

英寺詩云微雨止還作小窻幽更妍  
盆山不見日  
草木自蒼然非吳越不見此景蘇軾  
晚入飛英寺  
分韻詩吏民憐我懶聞訟日已稀  
能為無事飲可  
作不夜歸復尋飛英遊盡此一  
寸暉撞鐘履聲集  
顛倒山雲衣我來無時節  
杖屨自推扉莫作使君  
看外似中已非趙孟頫登飛英塔詩  
梯甍直上幾  
百尺俯視層空鳥背過千里  
湖山秋色淨萬家烟  
火夕陽多魚龍滾滾扶舟楫  
鴻雁冥冥避網羅誰  
種山中千樹橘側  
身東望洞庭波

空相講寺

萬歷湖州府志府治西北舊彌陀懺院

宋治平二年改空相教院今復為講寺

天聖寺

吳興掌故吳言故宅在府治北唐中和二

年捨為寺刺史王鸞表請為景清禪院宋天聖八

年改天聖寺萬歷湖州府志宣和中改為神霄玉

清萬壽宮建炎元年復改天聖寺寺有古檜元趙

孟頫摹為圖因扁其堂曰古檜今檜已枯死而堂

與圖俱燬不存矣

歸安縣志寺東壁有管夫人竹南壁有子昂山水

明萬

歷二年知府栗祁重修

張應雷重修天聖寺記湖州長老為予道天聖故事

殿左右柱舊刻木為龍盤繞其上不知來自何時忽一日柱龍下飲池水為老僧所見即還殿柱左右錯盤元學士趙松雪有錯龍盤記碑之殿左後忘記年月雲雷之夜二龍遂飛去學士之碑歲久亦斷失不可讀又謂本殿自來無塵亦名無塵殿又謂學士常讀書本寺就殿壁寫瀟湘烟景二墨竹二為吳中墨妙最子公暇遊本寺錯龍不可見碑且不全矣顧盼兩壁烟景尚存墨竹二壁左存而右圯即三壁且欲圯矣太守栗公東巖悵然修之蓋存三壁所以見學士也見學士所以見柱龍與石記也時萬應甲戌冬十月

證通古院 歸安縣志舊名證通講寺在縣東人依

橋今廢別建於縣南月河旁鐘聲梵響晝夜不息



居然城市山林

鴻禧教寺

吳興掌故在府治西北梁大同二年侍

中蕭翼捨為寺舊名寶勝宋大中祥符改為鴻禧  
鐵佛禪寺 崇禎烏程縣志縣治北宋乾興中僧鑑

真鑄鐵觀音像因號鐵觀音院湖州府志熙寧元  
年賜名聖壽觀音院紹興二十二年改廣福觀音  
院元末燬僅存鐵觀音像明洪武二年以院基地  
造泰定倉移寺於今所改今額宣德八年僧曇壁

又鑄大鐵佛三創慈雲閣

慈感講寺 烏程縣志向在迎禧門外唐乾元間僧

端所建宋嘉祐中號利濟院大觀元年改慈感建

炎三年徙置定安門內

西吳里語寺舊有珠羅漢眉目偏袒文理畢具漁人

得於蚌中寺僧藏之有一郡守心欲取之其珠像躍入寺傍溪中祥光照耀俄頃而沒遂不復見

明洪武末僧行立建潮音普門二亭永樂間僧虛

白復建法堂嘉靖間燬於火萬歷五年番道人募

修如舊

表表傲居慈感寺詩孤居城南寺軒館殊清幽連峯窻外列澄湖檻前流羣魚戲藻

岸衆鳥鳴桑洲膏雨原野綠東作集前時閉戶寡  
人事元典日冥搜蕭散娛心意焉用懷苦憂陳楨  
湖州慈感寺詩過溪纒百步橋轉入禪關高閣斜  
臨水平林遠見山波光隨鳥渡秋色共雲間深愜  
幽人趣遲  
留忘却還

玄妙觀 歸安縣志在府治北萬歷湖州府志梁大

同二年建號元風觀唐神龍二年改龍興觀天寶

元年改開元觀寶歷初刺史崔元亮於觀修齋羣

鶴來翔宋初改為元通大中祥符元年改曰天慶

元改今名

楊維楨重建元妙觀玉皇殿碑記吳興  
元妙觀在子城西北一百五十步為郡

官僚祝釐祈禱之所本梁大同二年所建元風觀也今崇建聖殿以居昊天玉皇之帝至正六年殿災主觀師聞人得人覽其敗斂斷礎不無愴然者乃與其徒施道清壺乃心力勇發弘願各竭已資且募檀施得若干緡錢於是首建聖殿經始於七年秋越明年夏六月告成規制氣象視昔有加工徒竣事知觀事者錢道元來請記予惟老氏之道原乎大易故其立教以自然為宗以無為為本宗其教者又隆以昊天上帝之居巍巍觀闕與時王等而王法無所於禁亦以廣好生之仁充玄默之化也為其徒者將推其教以拯世迷則祖師之望又豈直祝釐以壽皇圖而已哉

報恩光孝觀

湖州府志梁大同二年建唐開元二

十六年名曰龍清後居女道士宋元豐元年知州

事鞠直卿重修命道士居之崇寧三年改崇寧萬壽觀政和間改天寧萬壽紹興十七年改今名歲久傾圮明隆慶元年重修

烏程縣

城外寺觀

道場護聖萬壽禪寺 明一統志在府城南道場山

唐中和間有訥僧辭師出行師命之曰逢道即止訥經此山遂結菴居之西吳里語吳越時建正真禪院後改為妙覺寺萬歷湖州府志宋元豐三年

知府事陳侗奏請賜額改今名元末燬僧正印重

建

虞集重建護聖萬壽禪寺記湖州道場山重建護聖萬壽禪寺成住山釋正印求為之記按

山在郡城十里曰連峯唐中和中如訥禪師居之頗著靈異五季錢氏始建十聖殿以奉佛謂之正真寺護聖萬壽之號則故宋所賜也國家天曆己巳六月既望寺災牧守民庶與為其道者以為非得人不足以更新之乃相與迎印公於何山以為主而寺僧耆年之首希渭佐主僧治凡役乃出財鳩工求施於達官大家作殿閣方丈像設莊嚴俱具完好壯麗有加於昔未及三年而成實至順辛未某月也

褒能教寺

烏程縣志在南潯南柵宋建炎二年高

宗南幸至此懼追者見及匿嘉應神祠中月下俄見泥馬忽動跨之而行遂入杭州改寺額曰褒能帝舊封康王俗呼康王寺

峴山禪寺 萬厯湖州府志在縣南峴山晉太守殷

康創號施水禪菴咸康八年車騎將軍沈充增建

殿宇宋崇寧四年賜名顯化洪武三年改今額楊復

重建峴山顯化禪寺記峴山之有寺自盧阜遠弟子道源始也源至文照照至慧明明至慧解再傳至宋慧源師特奉朝旨賜今額又凡幾傳及元其間盛衰難以悉舉入國初屢歷兵燹輪奐之規蕩

無餘燼永樂改元得顯公者自長興應山來結茅  
修苦行郡士子敬重相與發檀信真心輸糧委鏹  
施舍山積公乃謀材鳩工遂初正殿三間次第作  
法堂山門長廊以及厨庫倉困僧寮經藏仍塑佛  
菩薩伽藍等神若干座金爛玉瑩頓成靈境至使  
瓦礫之地易為寶坊荆榛之區化為旃檀公之功  
德有足以感動人天者矣雖然財施為下法施為  
上公常復以自了之智利他一切則功德益大又  
可特筆記也正統  
歲在辛酉二月

福田寺 吳興掌故謝靈運故宅在縣東南烏程縣

志唐大中間初建明天順間改今額

普靜教寺 明一統志在府城東九十里西吳里語



梁沈約葬父於此後遷葬以地為寺

法華寺

石柱記箋釋梁尼道蹟號總持得法於達

摩居卞山晝夜誦法華經二十年不下山後歸寂  
即葬其處大同元年塔內忽生青蓮花道俗異之  
州郡錄實表奏勅置法華寺烏程縣志或云道蹟  
每持經時有白雀旋繞作聽法狀又稱白雀寺宋  
治平間改賜惠覺元季燬明萬厯間僧如松重建  
仍名法華嘉禾宋旭繪名山十一景於殿壁凡五

月而成

屠隆重建法華寺碑記有尼總持居吳興弁山幽棲蘭若幾二十年虔誦法華滿十

萬部滅救靈骨藏之寶龕舌長青蓮經留黃壤自  
梁至唐總持再來是為抱玉一經未畢五色放光  
顯化肅宗之朝勅賜大光之號吳興法華鬱為名  
藍矣歷歲久遠朱宮碧瓦散作寒烟金地寶階鞠  
為茂草斷碣殘碑漫不可讀荒岡遺塔歸然僅存  
法音不遐靈氣不歇沙門如松慨然以興復為已  
任而宰官陸太宰光祖潘司寇季馴輩咸以名流  
鉅公淨業檀信相與助成之松公戒德既醇心靈  
絕巧身歷百苦力勸萬緣凡所經營悉有妙法於  
是殿堂鼎建僧寮一新拱秀發祥當其旺地含靈  
納氣繚以周垣光相璀璨金碧兩廊蒼翠蔚然松  
杉卜里俾總持之教久晦而重明西來之傳幾絕  
而復續松公之勤亦至矣功亦偉矣壬寅偶客吳  
興覽游茲寺松公以碑見屬不辭而為之記釋清

書法華寺詩路入松聲遠更奇水光山色共參差  
中峰禪寂一僧在坐對梁朝老樹枝姚祚端遊弁  
山古法華寺詩因愛名山結境幽同來擬續泛觴  
遊林深日到方知午松蔭風生不待秋徑路幾曾  
緣客掃山花今似為人留牢愁  
至此多消盡還問明朝有酒不

國朝康熙間僧戒青募金重修大殿向苦擔汲戒青尋  
五峰泉源筧引入厨名五靈泉

寶積寺 萬歷湖州府志縣西南杼山舊名妙喜寺

梁大同七年建顏魯公集杼山之陽有妙喜寺梁武帝之所置也唐貞觀

六年始移於此周賀寶積寺詩從作兩河客別離經半年却來峰頂宿知廢井南禪

積靄沉斜月孤燈照落泉  
何當閒事盡相伴老溪邊

常照寺 名勝志縣南菁山宋建炎中僧梵隆建號

無住蘭若高宗南渡嘗駐蹕於此萬歷湖州府志

高宗常夢神人曰陛下請書天申金剛無量壽佛

既覺異其事遂秉燭書以賜之後建昭回閣奉藏

宸翰乾道三年改今額烏程縣志寺久荒廢寺僧

以乘募買范司成陽春樓改造舊賜昭回閣左齋

堂右祠范司成像堂前流水淙淙喬松夾道寒梅

茂竹蔚薈其間允為叢林精舍

資福禪寺 烏程縣志在弁山南麓宋中峰普應國

師開山明宣德間僧法璘重建後圯萬歷間僧如

源重建

吳文企題資福寺和韻詩行到寺邊寺坐看山外山講堂分戶牖野席對溪灣暗水

香厨引高雲絕頂還僧  
茶與宦味空寂問潺湲

國朝康熙間僧慧齋募資歸併為禪院復創禪堂綠筠

堂甚幽曠

歸雲菴 烏程縣志道場山南麓唐詩人閣士和隱

居於此僧清晝懷之有空見歸雲兩三片之句遂

以命菴明山人孫一元掛瓢堂在焉

孫一元宿歸雲菴詩沙清

竹碧鶴出飛野老候予開石扉暮雲卷雨日初落木葉滿山風乍稀酒杯入夜意自好篝燈向人寒

相依窮幽覽勝乃吾事坐愛名山忘獨歸

佑聖宮 西吳里語在弁山南宋紹興初道士沈無

礙結菴於此移德清元峰觀廢額揭之後請於朝

賜額佑聖

白玉蟾佑聖宮詩雲屏烟嶂玉玲瓏中有幽人處玉宮曉檻猿啼松顛雨夜窻

鶴唳竹梳風天垂十二闌干角月滿三千世界  
中此景此時誰得似黃庭誦罷理絲桐

歸安縣城外  
寺觀

祇園寺 湖州府志在縣西南東林山齊永平三年

建號大乘寺宋治平二年改今額

鹿苑寺 西吳里語在縣南射村萬曆湖州府志梁

大同元年建後廢唐大厯間僧明誓重建請額賜

名永興進士吳行周記顏真卿篆額宋治平二年

改今額

演教寺 歸安縣志在縣東南荻港周顯德中建

精舍禪寺 吳興掌故陳青州刺史管聚故宅在施

渚上強村永定中捨為上強精舍湖州府志唐大

中元年改為禪院中有井廣半畝水甚清泄有靈

鰻長數尺背有金線俗呼鰻菩薩水旱禱出見井

面

白居易憶精舍寺詩慣遊山水住南州行盡天台及虎丘惟有上強精舍寺最堪遊處未曾遊

釋清畫精舍寺詩影刹西方在虛空翠色分人天霽後見猿鳥定中間真界隱青壁春山凌白雲今

朝石門會千古仰斯文

上乘寺 歸安縣志在縣東南靈山村晉天福七年



建宋治平二年重建

國朝康熙十八年重新

禪智寺 萬厯湖州府志在縣東南竹墩唐咸通十

五年建

回仙觀 歸安縣志縣東南東林村名勝志宋時里  
人沈東老善釀一日有客自稱回道人求飲東老  
異之因與對酌至暮客擘石榴皮書字以贈云西  
隣已富憂不足東老雖貧樂有餘白酒釀成緣好

客黃金散盡為收書已而告別送至石橋客乘風

而去東老遂捨宅建觀

蘇軾和回道人詩世俗何知貧與病神人可學道之

餘但看白酒留佳客不問黃公覓素書

真武宮 歸安縣志在縣南菱湖鎮明成化十一年

勅建俗名南聖堂萬厯間燬道士史志和重建

國朝康熙十年後殿復燬道士沈正文建玉皇殿

長興縣

清涼禪寺 萬厯湖州府志縣西五峰山舊在和平

鎮吳越錢氏建號化成菴宋治平二年改今額元至正間遷於此長興縣志明洪武二十四年立為叢林內有僧會司址崇禎四年僧道賢建三藏殿大悲閣極宏爽

大雄教寺 長興縣志舊在縣治西北一里陳天嘉

元年建號報德寺唐會昌間寺廢大中元年縣令

喻鳧奉勅重建宋治平中改今額石曼卿書扁

趙孟

頤大雄寺佛閣記闕逢渚灘之歲春正月長興大雄寺僧道成使其徒得恩以書來謁曰大雄故陳

之報德寺而今名則宋治平間所更也廣廷大殿  
規制偉傑殿北故有華嚴殿荒陋迫隘見者咸謂  
勿稱道成乃與居拱者謀即其地建佛閣三十楹  
既成中置大像復作小像以翼之黃金莊嚴勝相  
備具蓋衰人之施竭已之資崇積銖寸忍力誓願  
歷一星周而僅有濟今拱既死而道成亦已老矣  
恐遂泯泯無以示後人敢以元至正十六年燬明  
記請予竊嘉其志乃為之記

初元帥耿炳文築城寺基開為城壕洪武二年遷  
入城縣治東南隅

廣惠教寺 西吳里語在縣東下箬溪上陳武帝霸

先宅也萬曆湖州府志光大元年詔立為寺號天

居宮宋治平二年改今額明洪武四年重建俗呼  
下箬寺

大雲教寺 湖州府志在縣西南方山西吳里語齊  
永明元年建名方山寺宋熙寧中有僧折竹絲織  
為佛號竹佛寺長興縣志後改今額元末廢明洪  
武十六年重建萬厯湖州府志寺後有小池清可  
見底久雨不溢久旱不涸因號其鄉曰清泉

曉覺教寺 崇禎長興縣志在縣治西南洞口齊永

明元年建號齊明寺唐天寶四年改今額明洪武

二十四年立為叢林

陳睨曉覺寺詩肩輿行到竹邊村竹裏僧房盡閉門小竇

頗聞三里近殘僧今有幾人存旋沽薄酒欺寒力未怯春泥踏雨痕笑覓梅花伴歸去斷橋流水月

昏黃

離相教寺 西吳里語在縣西南宋元嘉七年九月

忽有石佛從水中湧出因創精舍以佛川名長興

縣志唐天寶四年重建宋治平二年改今額元至

正十六年燬明洪武中歸併廣壽寺永樂四年復

建嘉靖間廢崇禎十一年曹洞宗淨義禪師復興  
清果教寺 名勝志在縣西九里梁江州刺史錢道  
居捨宅建長興縣志唐會昌中廢吳越重建改今  
額宋天聖景祐間增修寺內有管洞畫羅漢及溪  
光亭元末俱廢明洪武四年重建

護龍禪菴 長興縣志在縣治北伏龍山下縣龍正  
脉也向有缸窰邑多火災明萬曆三十一年署縣  
事推官謝肇淛毀之後知縣濮中玉建菴於此

祠山行宮 長興縣志在縣西五峰山祠祀山神靈

濟聖烈王張渤宋淳熙三年道士陳靜逸建舊在  
縣東一里年久頽廢明初壬寅年知州黃廷貴祈  
雨有感始遷今處洪武七年道士沈道安增建殿  
宇二十四年立為正一叢林永樂十三年道會孫  
道信增建三清閣

冲真觀 萬曆湖州府志縣東一里晉咸康元年建  
殿側有八角井世傳葛仙翁煉丹井長興縣志元



末廢明初併祠山行宮永樂七年道士鄒士真重

建

三真觀 崇禎長興縣志在四安鎮西北二里元至

正四年創建

貢師泰三真觀記三真觀在長興州四安鎮石澗之麓穹林深池左右聯

屬里人周貴謙與弟進元善信實始創焉中殿像真武神及神之父曰明真母曰瓊真祠祭甚謹嗣天師聞而喜之以神與父母為三而事神者兄弟亦三豈偶然哉遂題觀以今額號貴謙曰通真明悟守道法師進元曰清真守素明真法師善信曰凝真守一崇道法師相繼委蛻明遠清逸宏教法師陳君守中實嗣之於是益拓其疆址增其土田崇其門墉廣其室廬復於殿之左廡起殿四楹以

祠東嶽右廡亦如之以祠三官予聞觀始創於至元庚寅被旨優護於延祐戊午迄今凡四十有五年而規制儀文庶克少備獨始末未記以陳君之請於至正甲申夏為書其故云

洞元觀 長興縣志在縣治西南二十里方山市孫吳時建元末燬明洪武十七年重建

德清縣

八聖寺 嘉靖浙江通志在縣東三十六里西吳里語梁青州節度使沈子真宅一夕鐘磬自鳴堂前井出八道光有龍騰空而去遂捨為寺萬厯湖州

府志梁天監八年武帝賜今名吳越王病日常取

此井水洗之即愈因賜旃檀香作井欄宋太宗賜

御書四十二卷留鎮寺中

陳堯佐八聖寺詩八聖  
當時不易聞今朝停棹

宛然存兩行翠竹歌僧檻一派清波繞寺門禪席  
每分天外月講鐘時出水邊村幽懷至此忘歸計  
不覺踟躕  
日又昏

國朝康熙四年重建

慈相教寺

湖州府志在縣治石壁山之陽名勝志

晉咸和間梵僧名曇者過其地指山石曰是有

泉乃卓菴其處鑿石罅如半月果得泉名半月泉  
菴宋時名慈相寺

大善寺 萬歷湖州府志在縣南塘棲鎮吳興掌故  
梁水部郎沈著宅大同二年捨為永明寺宋治平  
間改為大善寺

保慶寺 德清縣志在縣西積谷山之陰唐乾符中  
建賜額積谷禪院晉開運四年改大寧保慶元季  
燬明洪武間僧澄行脚至此募衆重建歲久復圯

崇禎十六年僧寂良炤安復建門外石徑長松峯  
巒傍轟旁有龍蟠石相傳為佛趺坐之所有下院  
曰清福寺白馬寺無思菴

覺海教寺 西吳里語在新市鎮萬曆湖州府志唐

元和十年有鍾思染者於鎮得齊中大夫朱安期  
墓地請於刺史薛戎建寺於此名興善宋治平二  
年改今額德清縣志寺久圯明萬曆初鎮民創始

募化殿宇聿新

黃鹿堅覺海寺詩爐烟鬱鬱水沈  
犀水遠禪床竹遠溪一段秋蟬思

高柳夕陽原在竹陰西沈清遊覺海寺詩路入諸  
天一徑幽乘閒來看雪峰毬白雲護鉢蛟龍夜老  
樹吟風鶴鶴秋漫道碧紗為世重獨無玉帶  
與僧留何當日日尋休暇得看空堂石點頭

大中乾元寺

德清縣志在縣南吳羌山之陽梁大

同二年戴可先捨宅為寺明萬曆四十年重建大

殿并後室數楹吳興掌故寺有梁武帝書釋迦寶

殿四字唐柳公權書乾元之寺張即之書大明光

閣四大字

延壽寺

湖州府志在縣東北敢村梁天監四年沈

慶之捨宅建德清縣志唐大中初賜今額明末傾圮

國朝順治十五年重建

華藏寺 德清縣志在吳羌山南麓吳越王錢俶建於武康縣號興慧宋治平二年改今額乾道四年僧行謙移建於此

妙嚴寺 德清縣志在縣北大壯嶺之東唐乾符二  
年建號集雲院宋治平二年賜今名紹興七年樞

密沈與求乞為功德院有妙峰堂樞密讀書其中  
國朝康熙間邑人蔡啟傳書紫雲閣環山堂

保寧寺

德清縣志在縣西北大壯嶺之陽宋紹興

八年仁懷朱皇后宅乞為功德院賜今額寺前有  
古梅環遶山徑清幽今名梅塢寺

明因寺

德清縣志在縣東新市鎮假山之西北隅

吳越時餘杭令章靖捨宅創建號羅漢院宋熙寧  
元年賜今額亦名南寺歷久頽圯



國朝順治年間僧濟普住持蔚成叢林為一邑禪刹之冠

慧通寺

德清縣志在新市鎮西柵吳越國王建宋

熙寧初賜名法華院政和間改今額以寺前有雙塔又呼雙塔寺元季燬明洪武初以寺基為巡檢司永樂中僧古愚購得吳丞相宅址於鎮之北柵建寺復元額萬厯間於寺右設常平倉天啟四年杭嚴道吳伯與丞相裔也檄縣改倉為丞相祠昇

佛像於慈相寺

國朝康熙元年吳氏退出倉基復為寺

覺華寺

德清縣志在縣東新塘村宋祥符二年建

國朝順治二年重修

清福寺

德清縣志在縣北戈亭村宋乾德二年建

趙孟頫詩有清福宋朝曾建寺之句

國朝順治二年重修

宣化禪院

德清縣志在縣南吳羌山之巔漢吳羌

避亂於此宋沈麟士亦居焉明初燬惟華光殿獨  
存隆慶二年重修萬曆中知縣陳效題額曰高士  
菴以吳沈二人皆高士也後僧智延等重修復舊  
名

紫陽觀 萬曆湖州府志在縣西南市亭山之陽宋  
紹興中建元季燬明正統中重建嘉靖間復圯知  
縣郝成性改葺德清縣志萬曆間圯

國朝康熙五年重建正殿

元峰觀 萬曆湖州府志在縣南吳羌山之陽宋淳

化三年建紹興四年賜今額明洪武八年重建

紫極觀 西吳里語在縣西文墅山梁大同間吳興

太守沈道思請以故宅捨為觀宋治平二年改今

額德清縣志元罹於火明洪武初重建

開元宮 德清縣志在縣西百寮山之陰元初道士

王壽衍號月溪常提舉杭州開元宮禱祀齋籙往

來京闕既謝老擇地於邑預營壽藏因建開元道

院至元間特賜宮額至正辛巳燬明萬曆庚戌重建

武康縣

證道教寺 武康縣志在縣西二百步吳興掌故南齊秘書郎沈密故宅建元元年捨為齊昌寺宋治平二年改為證道寺萬曆湖州府志元末燬明洪武九年重建

顯忠崇孝資福禪寺 湖州府志在縣東南三十五

里宋紹興二十六年楊和王存中建高宗賜御書

寺額武康縣志明永樂間燬崇禎末僧靈機結茅

於此恢復寺址

國朝康熙五年殿堂廊宇告成備極宏麗

銅山寺 武康縣志在縣西北銅山之下

吳康侯銅山寺興復

記寺建自石晉天福三年後周顯德中名資福宋治平二年改名隆教院神宗時無畏禪師維琳居之與蘇子瞻毛澤民酬唱其地益著熙寧五年子瞻通判杭州以琳名行俱峻招住徑山後退居銅宮建無畏菴寺盛於宋燬於元洪武六年僧宗惠募構景泰二年僧道愷始遷居十二都烏青山下

為銅山寺下院相去蓋八里故縣有兩銅山寺自  
烏青卜度以後銅山故剎百有餘年浸為荆棘而  
山園竹木豪右房氏遂攘為已有矣所不絕如綫  
者獨無畏菴寺片石耳僧通譯寂聞道力雄厚與  
同道海義矢志興復會吳江周季侯來令武康義  
遂投牒斷歸寺基時萬厯四十四年乙卯寺即於  
本年十月初六日重建周公題額無畏菴亦漸就  
圯次年丙辰撤而新之菴既落成通譯寂聞仍居  
之而銅山寺則海義住持焉恐後之人  
漸忘其所自也記其興廢本末如此

石頭寺 武康縣志在縣西北石頭山唐咸通五年

建名護國禪院侃禪師開山元廢明洪武十一年

僧淨孚重創

毛滂書寢石頭寺詩何人支枕古邯鄲孤卧僧房四面山故遣白雲遮谷

口不教幽  
夢落人間

龍山禪寺

萬曆湖州府志在縣東龍山下晉天福

十三年建號福慶宋治平二年改名護戒禪寺元

末燬明洪武二十年重建二十四年改今額武康

縣志天啟間廢

國朝順治十六年僧智貞智章建法堂三間

烏回禪寺

萬曆湖州府志在縣北烏回山宋太師

忠靖邢公建元末燬明洪武十九年重建

馮聖澤  
烏回寺



記寺建自宋紹興七年經始而精藍之則太師邢公孝揚也歷有年所瓦鄰於礫垣日以頽鍊而理之木石傲睨中墜茨法堂三間兩楹則崇禎間所謂頭佗智周者也鱗構不甚宏敞堅朴靜好其後殿不失茅簷板屋之舊香積方丈咸虛左揖客且因山作勢小閣數椽叢竹菁菁凡此貞澄兩僧善於寒攬云易綱烏回寺詩烏回佳處梵王宮迥隔人寰有路通樓閣暗藏山色裏鼓鐘遙落水聲中

參天老柏摩雲翠繡地繁花映日紅  
顧我政餘來小憇不妨回首月明東

勅建寶華禪寺 武康縣志報恩禪寺在縣西南金車

山麓相傳唐宋古刹宋大覺禪師入山放生有放生潭潭內產異螺元斷崖禪師養母於此有度親

塢證果菴明崇禎甲戌臨濟正宗罄山天隱和尚  
開堂說法丙子玉琳禪師繼席焉

國朝順治十五年師奉

召入京後還居天目繼席者為棲雲美發二師道風遠  
播衲子雲臻為叢林最外有坊曰金輪第一山康

熙四十四年

聖祖仁皇帝賜名寶華寺雍正十一年奉

勅重建十二年

御書淨域常春扁額

賜懸大殿

靜林寺

武康縣志在縣西三里孟宅保之西梁大

同四年建唐咸通六年齊侃禪師因舊基更造寺

瞰溪流特為勝絕

釋靈一靜林寺詩靜林溪路遠蕭帝有遺蹤水擊羅浮磬山鳴

于闐鐘燈傳三世火樹老五株松無數炳霞色空傳昔卧龍

定空寺

武康縣志在縣東烟霞塢梁普通六年僧

廣譽建名永昌宋治平二年改今額元燬明洪武

三年僧白玉妙義重建

寶巖寺

武康縣志在縣東秀峰山下宋叅政陳義

中建玉禪師開山元燬明洪武二十一年僧妙覺

復立萬厯間廣權重修

柏山寺

武康縣志在縣南二十里宋紹興三年潤

節趙衛王建元廢明洪武三年僧宗華重建

大慈教寺

萬厯湖州府志縣東一百五十步梁普

通六年建名寶相湖州府志宋治平二年改今額

武康縣志元燬明洪武十四年重建後併入證道  
寺永樂元年復立

國朝康熙五年僧真至創建大悲閣五間

皇覺教寺 湖州府志在縣東北一十里吳興營手故

漢沈戎故宅後捨為懷德寺宋治平間改為皇覺  
寺武康縣志元燬明洪武四年重修萬曆四十八  
年僧德顛重建

修真觀 萬曆湖州府志縣東唐苴村元泰定間建

武康縣志元燬明洪武二十四年復建

國朝康熙六年道士余體崖重建

昇元報德觀 武康縣志在縣東南三十五里禺山之麓宋紹興二十六年建元燬明洪武二十四年道士袁居安重建

安吉州

霧山教寺 名勝志在州南霧山吳越錢氏建號祇洹寺西吳里語又名大明心寺因在霧山故改今

名寇準過霧山寺詩青紅樓殿枕寒溪門外天垂  
斗柄低啼鳥不知春向背落花依舊水東西半

橋霜月光相照一帶松烟色未齊誰  
謂百年榛莽地香雲今日遠輪蹄

樂平教寺 萬歷湖州府志在州東梅溪鎮嘉靖安

吉州志宋元嘉元年信義太守施彬捨宅建劉公壽樂

平寺詩名藍古幽絕花木深禪房門軒俯芳流竹  
風終日涼謂此已勝絕坐可雄諸方誰知槿籬外  
古木鬱蒼蒼下有湍激澗珠玉鳴琅璫何當開松  
門兩岸安石床盡發溪山奇枕流潔其芳他年我  
重來君子  
留徜徉

常樂禪寺 嘉靖浙江通志在州治西吳興掌故吳

越驃騎將軍吳瑣故宅捨為羅漢院宋治平間改為常樂寺萬厯湖州府志寺西廡有拂塵壁廡外

有靜蛙池

姓孝孫常樂寺詩烟岫晨寒重風簾暮爽輕短牆籠竹色虛戶納松聲弄筆花

箋滿煎茶石鼎盈誰知杉檜月獨卧夜禪清

程聞寺 湖州府志在州東北梅溪灘始名施水菴

唐貞觀中建

嚴真觀 西吳里語在安福鄉宋崇寧中真武示見

賜額真君觀政和八年改今名萬厯湖州府志西



廡有枕流橫壁二軒盡見長興四安諸山

郭綽林流軒詩

招提避雨寄孤眠夜靜溪聲到枕邊  
引得江湖清入夢拍天波浪一漁船

玉樞道院 嘉靖安吉州志州南百二十步宋治平

中建

孝豐縣

廣福教寺 萬厯湖州府志縣北靈奕鄉吳越錢氏

建名修道寺宋紹興二十二年改今額

百福寺 孝豐縣志在靈峰山梁開平元年建明宗

禎丁丑僧智旭因蜀僧心是請藏入山重建大殿

太平教寺 湖州府志在縣西北太平鄉

國朝康熙八年僧惠燈重建

淨竹院 孝豐縣志在董嶺石晉開運元年錢氏建

號寶德禪院宋治平中改今額

王美中淨竹院石筍詩玉立憑虛檻

摻摻瘦影奇何年分鷲嶺此地長孫枝落照留殘月分燈賦晚詩還將蕭瑟意相對磔何姿

普慈教院 孝豐縣志在古浮山譚志云石晉天福

四年建名安樂院宋治平中改今額

戒香院 孝豐縣志在浮玉鄉譚志云宋乾德二年

號龍禪院治平中改今額

俞汝尚遊戒香院詩嶠窮谷翠屏圍却訝遊

人到此稀修竹拂雲當戶聳暗泉鳴玉遶亭飛春風欲老茶含旂暑雨初收水帶磯擾擾紅塵何處

好使人回首重忘歸

紫陽觀 萬厯湖州府志縣西南天目山梁大同五

年建昭明太子勒碑記傍有石室

浙江通志卷二百二十九

欽定四庫全書

浙江通志卷二百三十

寺觀 五

寧波府

鄞縣  
附郭

天寧禪寺 嘉靖浙江通志在府治西南惠政橋北

延祐四明志唐為國寧寺大中五年置宋崇寧二  
年改崇寧萬壽政和元年改天寧萬壽紹興七年  
改報恩廣孝是年又改報恩光孝成化四明郡志

後又名天寧報恩建炎間寺燬

先建隆間節度使錢億建鐵塔徙奉

化岳林寺深沙神於西廊乃工人王百藝為之極雕刻之巧嘗現光明鼠雀不敢近及寺燬而神之

室巍然獨存

元至元十九年復燬僧可舉重建至大二

年燬於倭至治元年僧善德重建明洪武二十年

佛殿圯住持嗣曇重建永樂五年建山門宣德十

年郡守鄭璐建鐘樓正統六年建藏殿十年建千

佛閣景泰二年建方丈成化元年建羅漢堂

國朝順治間重修佛殿康熙六年建山門二十三年三

月燬五十八年僧明文重建

萬壽禪寺 嘉靖寧波府志在縣治南大梁街延祐

四明志唐咸通十三年使臣周景遇捨廨宇以建  
賜額慧燈宋開寶間重建太平興國七年改崇壽  
政和八年改廣慧建炎四年燬重建嘉定十三年  
燬即復成化四明郡志或云慧字從心從彗皆火  
識為額不利郡聞於朝紹定元年改今額元至元  
十九年燬至大二年又燬住持子文復建明洪武

三十年殿圯永樂三年重建方丈二十年建大雄殿山門廊廡視昔有加遂成叢林

國朝康熙十年僧永慈重修

延慶講寺 寧波府志在縣治東南日湖中周廣順

三年建名報恩院延祐四明志宋至道中僧知禮講天台教行學聞於朝真宗累遣使加禮之是為法智大師延慶紀畧大中祥符三年改為延慶院

石待問改延慶寺記明州保恩院者沙門知禮座主捨舊謀新之所作也座主俗姓金氏世居鄞江



七歲出家於州之興國寺洎從寶雲通法師受天台智者教二紀之餘一志於此用能博極三乘周知四諦六塵不染五蘊皆空故得緇流蟻慕信士駿奔若鱗宗龍而羽宗鳳也先是此院締構年深頽毀日甚思得能者從而興之衆議所歸得請為幸粵以至道三祀乘召而至肇興法會要結檀那親製疏文訓釋精義卒使一方響應千里悅隨運斤三載工乃訖役觀其基宇宏邈土木瑰麗金碧交映玉毫增輝輪奐之盛異乎他郡待問通守竹符函親松栢會茲勝槩告厥成功承列疏以見貽遂抽毫而為識時大中祥符二年歲在巳酉四月六日

紹興十四年改賜寺

額延祐四明志嘉定十三年燬丞相史魯公重建扁曰南湖福地元至元二十六年火僧善良重建

至正四明續志泰定元年火元統元年僧本無重建成化四明郡志明永樂六年重修寺為天下講

宗五山之第二山

洪常延慶寺詩何處堪尋物外交羅雲丈室絕紛囂老僧掃榻

應相候童子開門不待敲花外雨腥龍出鉢松間雲暖鶴歸巢滿懷清思渾無寐卧看流螢度竹梢

國朝順治間建大悲殿康熙十一年重建鐘樓

崇教教寺 寧波府志在縣治西南舊名甲乙院唐

乾符元年建宋大中祥符元年賜今額建炎間燬紹興二年重建元至元二十五年至大二年連燬

延祐元年重建明永樂二年殿圯十三年重建

天封講寺 鄞縣志在縣治東南延祐四明志唐通

天登封年間建僧伽塔高十有八丈以鎮郡城中開

今古錄舊傳造於唐高宗乾封年間落成於武后通天間因取天封二字名之漢乾祐二

年建天封塔院宋大中祥符三年改今額建炎間

燬紹興十四年郡守莫將重建嘉定十一年火廢

為民居成化四明郡志元至元二十三年復建泰

定三年塔圯至順元年僧妙壽重建至正二十一

年修明永樂八年重修十年雷火燬塔三層復修  
嘉靖寧波府志嘉靖三十六年七月颶風作塔頂  
墜郡守周希哲修鄞縣志天啓崇禎間屢葺

國朝順治十六年重修雍正九年分巡道孫詔知府曹  
秉仁勸募鼎新之

廣福禪寺 嘉靖寧波府志在縣西南木欄橋漢乾  
祐二年建號羅漢院宋太平興國八年賜今額鄞  
縣志嘉定十三年燬重建元至大二年又燬其址

沒於軍營明成化二十一年重建嘉靖間燬四十三年重建崇禎四年建後殿

國朝康熙間修葺重建山門

寶雲講寺 延祐四明志在行春坊東宋開寶元年僧義通高麗人自三韓來譽振中國漕使顧承徽捨宅為義通傳道處名傳教太平興國七年賜額寶雲嘉靖寧波府志元至元二十六年至大二年屢燬後至元間重建明永樂十四年重建山門寺

與鄞學相鄰弘治十三年有司徒寺於竹湖坊僧  
如璋建殿宇方丈山門為天下講宗十刹之一

白衣講寺 成化四明郡志在縣治西北舊在府治

內唐長興元年建號淨居報仁院俗呼白衣觀音

院宋治平元年賜白衣廣仁額

延祐四明志初節  
度使錢億廟宇梁

見白光綾紋有觀音相  
乃易其木刻像置於寺

建炎四年燬重建元至元

十九年又燬復建明洪武三年圯其址改創本府

廨宇撥府治之廢寺以建永樂五年殿圯重建天

順五年重建山門方丈嘉靖寧波府志嘉靖十九年圯二十一年重修

國朝順治間復修

壽昌教寺 成化四明郡志在縣治東南舊名西壽

甲乙住持院宋乾道間建嘉定十三年燬元至元

二十五年重建明洪武二十九年重修後圯宣德

四年重建

陳敬宗壽昌寺記寧波郡治南有寺曰壽昌者創始於宋燬於嘉定間重建於

元至元己丑凡八年而始成成之者寺僧志堅志西也迄今又百餘年矣棟楹梁楠蠹朽撓折沙門

恢公復宗慨神棲之弗寧念先業之當繼乃鳩工度材悉易而新之輪奐雄麗像設尊嚴闡事於宣德已酉凡七載而訖工巍然為諸刹之冠也

國朝康熙十七年重修

佑聖觀 寧波府志府治西北二里舊名佑聖道院元至治間建後廢明正統間差內官歐成重建

國朝康熙三十三年提督馬三奇重修玉皇閣四十三年海關監督寶善重建真武殿四十八年海關監督穆爾薩重建靈官殿雍正四年郡人章炳等重



修寧紹台道孫詔捐建山門

長春道院 寧波府志府西北一里許宋淳祐元年

建

沖虛真觀 寧波府志在府治東南太和坊唐天寶

二年命天下皆置紫極宮祀老子梁貞明元年改

為真聖觀宋祥符間改名天寶紹定間燬重建元

至元間改名玄妙明永樂間圯天順間重建真君

殿三清殿鐘鼓樓方丈山門七年奏賜今額

鄞縣城外  
寺觀

勅賜弘法禪寺

寧波府志在郡治東六十里太白山

延祐四明志晉永康中僧義興結屋山間有一童

子曰給薪水後辭去曰吾太白星也上帝以師篤

道行遣侍左右語既不見天童寺集由是山名太

白寺名天童延祐四明志寺後經兵火唐開元二

十年僧法璿復故迹建精舍於山麓之東正字萬

齊融造多寶塔於西南隅天童寺志至德中宗弼

之徒徙寺於太白峯下距義興開山處一里而遙  
天童寺賦注乾元初相國第五琦請賜名天童玲  
瓏寺咸通間賜名天壽成化四明郡志宋景德四  
年改賜景德額紹興初宏智禪師撤而新之建千  
佛閣宏麗甲東南鄞縣志寶祐四年寺燬六年住  
持祖智重建景定四年僧居敬建千佛閣元大德  
五年僧日新增新賜朝元寶閣額天厯二年閣燬  
至元十九年僧元良復建

危素朝元閣記景德寺  
朝元閣天厯間燬至正

十八年台之瑞嵩僧元良主寺事日以興建為事  
明年秋左丞方國珍捐已資助未踰年落成中為  
七間兩偏四間左鴻鐘右輪藏下為三門以通出  
入梁棟雲飛椽題修敞崇十又三丈邃十丈廣二  
十又五丈用楮幣百萬鑄萬銅佛置閣中復重  
構旃檀林庖福衆屋不可殫紀今司徒平章國珍  
上其事於朝遂有賜碑之命論者謂僧元良審以  
發謀斷以行志惠以使下勤以率衆此其所以成  
功速而樹業隆也明洪武十五年定為天童禪寺稱天下

禪宗五山之第二宣德三年佛殿燬七年住持圓  
愷重建萬曆十五年七月二十一日龍作殿圯於  
水崇禎四年延密雲悟禪師住持十載內鼎建重

新王安石春日過天童寺詩村村桑柘綠浮空  
春日鶯啼谷口風二十里松行欲盡青山捧出梵  
王宮沈明臣宿天童寺詩曉汲寒泉漱齒香病維  
摩欲臥津梁石壇老柏驚龍蛻白日清池拭鏡光  
山勢南連滄海大水聲西遶寺門長  
杖藜吟過秋山下櫺葉初黃作雨涼

國朝順治十六年住持道忞應

名因

賜弘法禪寺額重修大殿康熙七年住持本儂建奎煥

閣恭藏

宸翰暨奉

賜佛神諸像十七年住持本替復古山門二十二年修

葺佛殿諸寮室濬萬工池寺有幻智伏翠堆雲西

歸大雲桂花方嶺諸菴嶺外則小白下院

李仙根天童寺

記天童自義興以來歷唐宋及元明屢有隆替皆圖維締構不久即復萬歷丁亥秋風雨驟作傾蕩就盡四十餘年莫克維新崇禎戊辰迎密雲禪師於金粟越三年至師乃運正法味應衆饑渴頓令緇素雲集財力幅合隨意擘畫天然圓滿師以壬午秋示寂所付嗣十二人各隨緣主席順治丙辰木陳恣公重應住持己亥即蒙欽召錫號弘覺而悟公語錄始得奉

旨入藏復以寶裝關帝并二將像送護山寺蓋希世之遇也寺重興五十年未有碑記因屬之根根以興

造名藍不朽勝事遂  
書以俟後之作者

雍正十一年

御賜慈雲密布四字額

阿育王禪寺 明一統志在阿育王山中成化四明

郡志縣東五十里名勝志昔阿育王現靈建寺其  
下有舍利塔阿育王山志晉義熙元年敕造塔亭  
禪室宋元嘉中廣興創建梁普通三年勅建堂殿  
房廊賜額阿育王寺鄞縣志周顯德五年寺災宋  
初重建延祐四明志大中祥符元年賜名廣利大

覺禪師璉公居之名振天下仁宗召對御製釋典  
頌授之熙寧三年建宸奎閣寺東北山上有東塔  
即劉薩訶所禮舍利塔湧出之處西塔院去寺五  
十步乃唐明皇時建鄆縣志明洪武十五年定為  
育王禪寺稱天下禪宗五山之第五住持崇裕修

復塔寺莊田

宋源育王寺碑記東天竺國阿育王造寶塔八萬四千貯釋伽文佛真身

舍利分布於四天下而鄒山當其一晉太康三年并州獵師劉薩訶受梵僧指改行為僧徧求舍利至會稽之鄒山忽聞地下鐘聲越三日舍利塔從地湧出其相青色似石非石高尺四寸廣七寸五



層四角光明殊勝義熙元年安帝始構亭覆護度  
二七僧守焉宋文帝增創寺宇為浮屠三層函之  
梁武帝賜額為阿育王寺大同五年令岳陽王譽  
改浮屠為五層繪帝暨昭明太子二像藏焉仍賜  
黃金五百兩造銅佛四百軀寫經論五百卷鑄四  
鐵鼎以鎮四角尋蠲其賦給兵三千設營防衛陳  
宣帝度僧守塔如義熙數唐中宗遣使賜金下詔  
加護之武宗并省海內佛寺塔歸越州官庫宣宗  
立像教重興又入於開元寺鄭山僧愨於觀察判  
官蒯希逸而還之懿宗咸通中又度僧三七人守  
焉梁貞明二年錢武肅王迎塔作禮改浮屠為七  
層第三層置七寶龕以貯塔周顯德五年寺災文  
穆王又請致武林龍華寺新其藻飾中龕雜用百  
寶範黃金為座懸珠纓以莊嚴之宋大中祥符元  
年賜廣利額拓為十方禪刹高宗即位親灑宸翰  
曰佛頂光明之塔淳熙元年魏王愷出鎮茲上二

年四月瞻舍利光現更用黃金為塔而置寶塔於中冬十一月孝宗取塔入內舍利見於塔頂書妙勝之殿四字俾揭於塔所宋季寺又災塔附安於別院元至元十三年春世祖命使者奉塔至燕都聖壽萬安寺命僧尼十萬建十六道場備極尊崇世祖親臨夜有瑞光發見東射禁中世祖大悅命送塔南還詔浙江省臣建治舍利殿宇曾未幾何甍棟雄麗上薄雲漢至宏辯禪師裕公入我國朝戒律精嚴言行一致凡寺制宜有而推敗不支者悉舉而更之念締造之難不可無以示來者俾其徒徵文為記予惟阿育王山顯著特異自晉建今歷一千九十七年國王大臣以及氓隸靡不皈依瞻仰浙東西未有如斯之盛者是宜詳記使後人扶植於悠久也

永樂十四年殿

圮僧宗正重建嘉靖四年山門燬重建萬歷間僧

傳叛重建佛殿崇禎間僧正理重修

薛喞育王寺詩寺在衆山

裏白雲深更深不知行樂意何似望禪心護塔龍常在倚松僧獨吟渡江前賜字珍重到於今劉仁本育王寺詩古鄒名山控海涯諸天深護梵王家一峯橫玉前陳九九井沉金下涌沙鐘磬隔林回

鶴鶴松杉夾道走龍蛇明朝更上盤陀石遙睇祥光燭海霞

國朝康熙十九年僧法鍾重修

海會寺 至正四明續志在縣西三里元延祐六年

創名海會菴

袁梅海會菴記菴之創初卜地城西不過地十步屋三楹有僧元安清持

以行業振厲信者俱至善士翁文堅翊輔之首建佈宮日割田以濟未幾宣慰楊侯梓益買田以贊

相由是拓地為畝五十五屋百楹殿堂門廡迎賓  
習靜各有其所汎海有舟放生有池獨不設方丈  
懼後人之逸樂以自恣也不設寺額曰海會菴懼  
後人之奪攘以為茲所之凌替也余以為浮屠氏  
逃空虛絕人事而事為之防曲為之制其卷卷於  
後者厥慮若是雖欲勿永久其可得乎泰定二年  
乙丑四月  
癸未記 至正二年建額為寺嘉靖寧波府志明

洪武二十三年建千佛殿三十一年建舍利浮圖

并塔殿永樂六年建法堂

國朝順治間重修殿宇康熙十年重建山門

補陀禪寺 成化四明郡志縣東三里原昌國東海

梅岑山寶陀寺洪武二十年因懸海徙郡城之栖  
心寺內空址重建改名補陀永樂十二年建圓通  
寶殿宣德七年建毘盧閣天順三年建藏經閣大  
悲殿及廊廡嘉靖浙江通志嘉靖間建十王殿

國朝康熙年間重修

金峨禪寺 延祐四明志縣東南八十里舊號羅漢  
院唐大厯元年建嘉靖寧波府志宋治平元年賜  
金峨山真相寺額明洪武間廢宣德間重建成化

間廢正德二年復建法堂後圯嘉靖二年改建升於山麓

國朝順治十八年重建佛殿

天王教寺 鄞縣志距縣五十里唐咸通十三年建

名天王院宋大中祥符三年賜額普寧乾道間里人朱世則施大藏經建夕陽閣以藏明洪武十五年仍名天王宣德八年僧可深重建山門萬厯間重修

國朝康熙六年建僧堂後重新佛殿

布金講寺

鄞縣志距縣二十里宋寶元二年建初

名保安治平二年改今額乾興元年僧道文建佛  
殿明天順四年重修八年建山門成化元年重建  
兩廊嘉靖三十八年重修

國朝順治十八年建大悲殿康熙十八年建大殿

月波講寺

鄞縣志距縣五十里宋淳熙五年建越

王史浩創月波樓疊石成嵒為寶陀洞天又於寺

建四時水陸道場孝宗賜慈悲普濟寺額又御書  
水陸無礙道場以揭於殿後志磐法師續成水陸  
新儀六卷於寺明洪武十五年定名月波二十年  
寺圯正統十四年重建後又圯萬厯間大學士余  
有丁構五柳莊御書名山洞府賜以建坊

國朝康熙十年余氏歸地僧超祖重建殿宇

仗錫禪寺 舊浙江通志縣西一百二十里奉化餘  
姚上虞嵎五縣交界延祐四明志唐龍紀元年天



童山紀禪師飛錫至此建鄞縣志宋寶元二年賜

仗錫山延勝院額元季僧仁讓起予重興

烏斯道仗錫寺

記仗錫禪寺南去郡治可二百里山深入萬壑中  
蛇盤斗折而上重巒疊嶽峭峻際天勝槩絕世峯  
頂爽塏可廬灌木層翠暑必挾纒雖樵者靡常至  
四際又有峯二百八十有二回合起伏雲霞蔽虧  
內七峯尤瑰異郡諸山咸莫之抗燈傳香行東南  
之望刹也歷歲久寺或毀或復讓公負荷法任倡  
道不匱於是殫心瘁容招亡植壞甫七歲珠還璧  
合今住山起予公又力纘遺緒篤揭前休托章蟾  
書走永新請  
子紀述如此

寶嚴講寺 延祐四明志縣西南五十里舊號孝義

院唐元和十二年建宋大中祥符六年賜今額成  
化四明郡志元至正八年僧嗣曇重修二十五年  
圯明永樂間重建山門外有牌門一座上有錫山  
二字張卽之書正統十一年僧恩溶建法堂天王  
殿著衣亭鄞縣志嘉靖四十四年重建佛殿

國朝康熙三十八年重修改成禪林

方廣教寺 嘉靖寧波府志縣西南三十五里舊名

泗洲院唐咸通十一年建宋治平二年賜今額鄞

縣志明正統間重建萬厯間重修

國朝順治五年建法堂康熙十年建山門

蓬萊觀 寧波府志府西二十五里廣德湖之望春  
山先是白龍祠側有郡守樓昇祠堂宋紹興十三  
年請象山蓬萊廢觀額以顏之

雲濤觀 寧波府志府西南六十里它山堰傍宋嘉  
定十二年賜額

慈谿縣

普濟教寺 延祐四明志縣東北一里吳赤烏二年

太子太傅都鄉侯闕澤書堂後捨為寺唐大中初

縣令李楚臣因澤字德潤故以名寺乾符中勅賜

應天德潤寺宋大中祥符初改今額寺之東岡有

松如龍有石如虎因以龍虎名軒丁鶴年普濟寺詩闕峯深隱梵

王家山色湖光引興賒石磴高盤松頂出瓦溝低

亞竹根斜潮生滄海雜清梵雲淨瑤空墜寶花徒

倚不知歸路晚滿隄楊柳集昏鴉錢希言闕峯普

濟寺詩闕公山繞闕公湖捨宅年猶記赤烏寂寂

寺門霜葉裏水禽飛上石浮屠

永明教寺 名勝志縣西南一里唐儀鳳初邑大夫

呂珂捨宅建高宗賜名大寶院天啓慈谿縣志天

寶間改大寶寺宋大中祥符元年改賜今額寺前

有橋紹興中扁其山門曰祝延聖壽都道場姚孳永明

寺記慈谿之永明在唐天寶數祥之歲揭為禪林  
皇朝祥符始錫今額有僧知簡努力營造始自嘉  
祐迄於熙寧垂三十年精舍悉備歲月浸遠棟宇  
頽頹主僧若水於是并謀協慮日袞月積丐諸衆  
材爰命工師增廣基構巋然隆棟金碧耀目崇寧  
丙戌仲夏落成爾時過雲居士適至其所同聲隨  
喜瞻仰讚歎退而  
書之以為記云  
明天啓二年僧道緣重修

國朝康熙三十一年僧明澄重建鐘樓鑄大鐘縣其上  
五十四年僧明遠鼎建藏樓藏經六百六十三函  
六千三百十四卷

保國教寺 成化四明郡志縣東二十里始建於唐  
名靈山會昌中廢廣明元年賜保國額宋治平元  
年改精進院今仍名保國成叢林

觀音講寺 嘉靖寧波府志縣東北二十里唐大中  
六年建名大中觀音院晉天福十三年河南刺史

夏敬章即院旁靈巖寺故址建海慧道場又名靈巖菴後院廢合於菴宋治平二年賜補院教院額建炎間重建元至元改今名明永樂七年重建成化二年重修天啓慈谿縣志後燬天啓元年重建五磊禪寺 天啓慈谿縣志在縣西北三十五里五峯磊磊相對如聚米所成南巖如門以通出入唐文德中建名靈山禪院宋大中祥符初改賜五磊普濟天聖九年僧岑繼葺明萬曆四十六年重修

白龍禪寺 名勝志縣東南十里五代僧師訢結屋

持戒於此常有白龍聽經因名白龍院延祐四明

志里人唐居惠捨基建寺宋治平間賜今額天啓

慈谿縣志明洪武七年燬二十二年重建歲久將

圯萬曆四十八年重建

寶慶講寺 延祐四明志縣東三十里宋瑞拱初僧

宗本建西資菴開禧間僧廣清請今額

王應麟寶慶寺記

之北十里曰青林面江背阜夷曠闕敞苾芻宗本始披蓊藿為精藍三傳至廣清闢而大之開禧丙



寅請於朝遷舊院額揭名寶慶宣獻樓公大書其額蔚為叢林偉觀廣淨繼之輪奐鼎新祖窠嗣事賡續前緒像以尊教樓以名鐘青林有亭雨花有軒拈拾鉢累日衍月益一旦化庠陋為瓌麗既成窠猶子智恭謁予書其事余以佛學久而傳者心法也綴宮室末矣明此心之妙木下一宿蓬藜而行可也恭其語窠之徒俾歸而求之

天啓慈谿縣志元至正四年燬八年重建明萬歷乙卯重建

永樂教寺 天啓慈谿縣志縣西南六十里龍山東

宋淳祐間僧志先建名報慈菴景定三年請令額改為寺明嘉靖中燬萬歷四十八年重建

清道觀 延祐四明志縣東南三里唐天寶八年建  
後廢宋紹興三十年道士葉景虛重建又於其右  
建東嶽祠尚書樓鑰扁其闕曰列仙游館成化四  
明郡志元至元間燬二十四年重建山門之東塔  
山之阿舊有東山道院為雲水往來息肩之地崇  
奉真靈像扁為真道觀後圯遂併於本觀明洪武  
二十四年又併至道崇壽二宮立為叢林王志靜  
重修天啓慈谿縣志成化四年道士吳以誠重建

夏時正清道觀記觀在邑東南之山椒西溯姚江東驚蛟州四明諸山遠列屏障垣堵左右抱附回護一邑之奇勝也山房偃匿林樾僅蔽風雨道士王智靜徒吳以誠經營創始宣德甲寅訖工成化戊子前高真殿中為五嶽外啓山門後敞法堂廊廡庖庫罔不完整辛丑以誠之徒曹道昕來言山門建已五稔頗見傾圮復以檀施葺還其舊夫觀廢久矣智靜有志興復未覩其成而以誠成之今道昕克復舊規續其緒以資夫高明眺望為一邑之奇勝能無望於今日也耶是年秋九月望日

記其東一室曰天然圖畫面江帶野境最幽寂其山多鬻於民間萬厯壬辰郡守龍德孚或贖或勸

論而歸之本觀

馮昌清道觀詩繞郭諸峯紫翠攢琳宮遙出白雲端狻猊北首山朝

拱蟠煉南環水屈蟠嵐氣近浮珠珮濕澗聲清  
通玉笙寒仙家自與人間別瑤草瓊枝滿石壇

國朝康熙年間重建大殿文昌閣官廳雍正八年住持

馮守恒創建符官閣靈官殿

奉化縣

雪竇資聖禪寺 雪竇寺志縣西北五十里肇創於

晉唐咸通間名瀑布觀音院景福元年常通禪師

撤而新之宋淳化三年賜御製賦詠建成藏閣咸

平二年賜雪竇資聖禪寺額祥符三年度僧免徭

役乾興中明覺禪師重增廣焉仁宗夢遊此山景祐四年免徭役禁樵採度僧行紹興丁卯冬釋如湛重建至道元年孝宗勅鑄銅鐘淳祐五年理宗

賜御書應夢名山四大字元至元二十五年燬越

二年僧善來重建

陳著重修雪竇寺記雪竇山秀甲四明正峯昂首下視臂左右

引寬抱百頃平麓之陽資聖禪寺宅焉山出二水交於寺西南隅戰險噴怒瀉峭舞空羣山紫翠遠近映帶天境叅錯居者游者盤礴不能去至元庚辰師善來領此寺日葺歲營氣象宏麗戊子夏四月寺災師曰棟宇無常壞者復興吾責也於是傾資鳩工不日而伽藍祠圓通閣香積院倉廩確磴

成及冬佛殿山門方丈成明年齋堂明軒東西廊  
成訖今年十月而諸像設法堂明覺堂樓館寮序  
湏溷皆成金碧崢嶸鐘鼓時節休其徒  
數千指相其役者三人允樞宗永如明奉化縣志

明仍其額為天下禪宗十刹之一崇禎末年復燬

石竒禪師重建成化四明郡志寺前有含珠林錦

鏡池千丈巖瀑布泉藤龕隱秀亭左有妙高峯右

有隱潭徐鳧巖桃花坑其方丈扁曰天開圖畫方

登雪竇寺詩登寺尋盤道人烟遠更微石窗秋見  
海山霧暮侵衣衆木隨僧老高泉盡日飛誰能厭  
軒冕來此便忘機王守仁詣雪竇寺詩平生性野  
多違俗長望雲山歎式微暫向溪流濯塵冕益憐

羅薛勝朝衣林間烟起知僧住巖下雲開見  
鳥飛絕境自餘麋鹿伴况聞休遠悟禪機

岳林禪寺 嘉靖浙江通志在縣東北三里延祐四

明志梁大同間聰禪師建小菴曰長汀後有童氏  
捨基建寺成化四明郡志布袋和尚流寓道場奉  
化縣志始創溪西名崇福院唐會昌中燬大中三  
年僧閒曠徙建溪東宋大中祥符八年賜額大中  
岳林寺文岳禪師建崇寧閣後燬復建明永樂癸  
卯火宣德正統間修復萬厯間火復建大殿崇禎

間復建崇寧閣

國朝康熙十二年建天王殿方丈兩廊普同塔規模宏

敞

西山禪寺

嘉靖寧波府志縣西南五里唐元和十

四年建名護國院宋治平二年改西山資國院明

洪武初改今名延祐四明志有洗鉢池羅漢跡駐

錫峯應供泉乃天台第四尊者成道之地上有樂

亭

樓鑰遊資國院詩野溪清淺度危橋徑策枯筇  
上紫霄曉霧暗蒸山寺雨松風深隱海門潮浮



杯水漲人何在洗鉢池清意已消又  
上樂亭臺上看雲山萬疊更逍遙

法海禪寺 奉化縣志在縣東南二十里元至元間

無盡燈禪師建名福泉菴明初號法海寺

寺有八景虎眼

峯天馬峯透錫泉柏香崑仙人井碧桐溪赤雲窩白雲窩

崇禎間妙行戒禪師

重興

國朝康熙七年僧自牧創天王殿同雪竇岳林塔院告  
成及方丈兩廊煥然大觀

法喜禪寺 舊奉化縣志在縣西四十五里唐咸通

九年建名永泰院宋治平二年改法喜院後為寺  
明永樂年廢成化三年重建

鹿苑講寺 成化四明郡志縣西一十里唐清泰二

年建名鹿苑院宋治平二年改演教院明洪武初

改今名正統五年重修

豐坊鹿苑寺詩為觀名畫  
入山行檜竹森森落照明

白鹿不來遊故苑青鸞猶見舞虛楹樵分野卉杜  
鵲麗僧供流泉蛤蜊清最喜高懷盧處士雙柑坐

石聽  
新鶯

證道講寺 嘉靖寧波府志縣西七十里唐光啓二

年建名靈橋院宋治平二年改證道院明洪武初  
改為寺延祐四明志西登山半里有龍湫南百步  
有深穴曰風谷谷下有泉曰冰鑑路轉縈紆有地  
方丈可憩息曰振衣嵒又數步列嶂如屏曰宜晚  
漸入平曠有堂曰蘊秀撫少陵剡溪蘊秀異之句  
名之又築清心亭於冰鑑之左臨淵疊磯垂釣榜  
曰桐廬古意渭水遺風云

虛白觀 明一統志在縣治東北舊名興唐觀唐葉

靖天師講經處奉化縣志光啓中建昭宗時賜今

額後廢宋元祐中復興

延祐四明志觀有三清像制度精巧老君像袖中有

一蛇長數尺潔白如玉隱現不常

國朝康熙十五年建殿樓其側

### 鎮海縣

總持律寺 延祐四明志在縣東北一里唐咸通初

慧鑑禪師創乾寧中賜額曰護境宋大中祥符初

改今額建炎間燬後重建寧波府志俗呼七塔寺

明崇禎間僧真拙修

國朝都督張杰常進功重修康熙七年都督朱萬化創  
建後殿雍正五年邑令龔彛重建鐘樓

補陀禪寺 舊定海縣志縣東北二里候濤山威遠  
城內明嘉靖間總制胡宗憲都督盧鏜徙海外補  
陀洛伽山大士像建寺於山巔故名萬曆四十年  
燬重建易西向天啓四年知縣顧宗孟修

國朝康熙五年總督兵部尚書趙廷臣重修

史大成補  
陀寺記 吾

郡北瞰大海招寶山為柱石控扼門戶嘉靖間念  
普陀遠隔梅岑創寺此山用奉大士崇輩傑薨山  
川增勝然歲月既久漸就傾圮丙午冬總制趙公  
駐節山巔指揮萬里波臣稽首蛟龍弭伏爰入茲  
寺惻然傷之乃捐俸庀材俾無廢舊觀閱月工告  
竣士民駢臻煥然創立余思公之治浙也猶治此  
寺也敬者植之朽者去之禦備飭而藩  
籬固事罔鉅細幾不修舉即此可知矣

### 瑞嵩禪寺

嘉靖浙江通志在縣東南九十里延祐

四明志唐會昌中郡守黃晟為普化禪師創立精  
舍景福初改為寺宋治平初賜額名開善祥符中  
因產靈芝名瑞嵩舊定海縣志歲久傾圮明洪武

三十一年重建

舒直瑞嵒寺詩十二峯頭月未央  
天風吹下紫芝香我來分得僧清

致布袖蒲團一草堂李撫辰遊瑞嵒寺詩高閣玲瓏倚半空秋風淨掃白雲踪無人寫此天然景十

二欄杆  
十二峯

國朝康熙十年僧本體重興

觀音教寺 成化四明郡志在縣東北二里宋皇祐

初建紹興中賜今額舊定海縣志明成化間重建

國朝康熙六年都督朱萬化修

淨居禪寺 明一統志在縣南二十里成化四明郡

志唐乾寧初建名龍明宋治平元年改今額舊傳  
寺之青松山有鰻井久而湮塞宋嘉泰中旱令商  
逸卿訪故跡而禱之即應商信之篤政成抔土以  
往後守劔南因旱取土置水得鰻遂雨

妙勝禪寺 延祐四明志在縣西三十里唐清泰中

名永安宋治平初改今

額鄭佃妙勝寺記明州定海縣有禪院名妙勝瀕

海之上環水之中居處庳陋而有風濤漂注之患五代清泰中居人姚縮始以其地易而新之凡百有四十餘年而院之存者無幾矣熙寧五年衆列狀以告於州願以為十方住持舉所知淡交者居



之數年信慕祈嚮持金帛而至者迹相接於路於是為之復新其費累數百萬皆不煩求而自應工既畢交公於是日與其衆談無上之法轉無礙之輪以蒙利於衆此衆之所為願記也元豐三年三月望日記

佛嵩禪寺 嘉靖定海縣志縣南七十里唐天復初

建名啓霞宋寶慶元年改崇梵後改今額舊定海

縣志山有大佛嵩淨瓶石鸚鵡山頗稱佳勝郇輔忠佛

嵩寺詩避世栖巖谷經年對薜蘿寺燈涼似月雲氣泛如波竹長留風住松高引鶴過前溪聽不厭

茶歌  
隊隊采

靈峯禪寺 舊定海縣志在縣南三十里周廣順元

年建名保安宋治平初改今額明崇禎初重建改

向

邵輔忠靈峯寺詩愛此溪山好褰衣時一登穿雲惟谷鳥繞屋有枯藤方竹留仙跡懸崖掛瀑

冰中天一片月  
夜夜照松陵

國朝順治十三年僧自聞重興

淵德觀 成化四明郡志縣東北二里宋元豐元年

建淵聖廣德王廟崇寧三年詔天下建天寧萬壽

觀以崇壽宮改置四年請其額寘本廟宣和五年

改今額建炎四年火紹興二年重建

象山縣

等慈禪寺 延祐四明志在縣西北一里舊名鳳躍

院宋元嘉初置治平初改今額象山縣志明洪武二十四年立為叢林嘉靖四年重建

智門禪寺 嘉靖浙江通志在縣西二十五里周顯

德初建舊名保安院宋治平間改今額徐敏求智門寺記縣

西有佛院曰智門最為佳處院僧相繼居之殿宇蕪穢勿除勿治崇寧元年六月僧衆請於有司願

更為十方禪居太守陸公命僧曇慧住持慧公操  
高能事曾不閱月倏然革地陋為梵釋龍天之宮  
方袍至者修潔盡敬人游其地善心以生子方宿  
官於此推行朝廷善令仁政使海濱之人漸於道  
化而慧公頗能知佛之本心與衆為善  
象山縣志  
蠲治塔廟亦可嘉矣予故樂為之書

明洪武二十四年立為叢林嘉靖二十八年重修

方九成智門寺詩古殿臨空敞回廊傍水開雲霞  
樓島嶼鐘梵出香臺路向花間入泉從樹杪迴長  
歌移晚興猿鶴下山來李濂宿智門寺詩秋出越  
王關叢林牛斗間夜看東海月飛上萬松山有客  
乘驄至逢僧射屐還石  
牀如可借終夕聽潺湲

延壽禪寺 延祐四明志在縣北七里舊名龍壽漢

乾祐初置治平初改今額象山縣志後圯明成化

間重建嘉靖三十七年重修

應雲鷲遊延壽寺詩  
汗漫曾虛千載遊偶

攜藜杖到溪頭雨餘樹色連山晚石上泉聲六月  
秋蘿幌已無僧入定竹林應有客尋幽相看莫惜

尊前醉回首  
斜陽滿戍樓

保寧講寺 成化四明郡志在縣南二十五里舊名

保寧院周顯德五年建宋熙寧元年賜壽聖額紹

興三十二年改今額

王廷錦保寧寺詩古剎玲瓏  
翠靄深登臨消却利名心山

雲破處月穿閣溪雨過時風滿林黃葉聲寒秋寂  
寂紫檀香冷晝沉沉掀髯一笑天空濶萬象森羅

吟入醉

常樂禪寺

舊象山縣志在縣東北三十里唐乾寧

中刺史黃晟建宋乾德初改名寶慶治平初改今

名明永樂四年重建

蓬萊禪寺

象山縣志在縣西三十里舊名蓬萊院

漢乾祐元年建宋熙寧間改名壽聖紹興三十二

年改今額

劉渭蓬萊寺記象山境之西南有佛剎  
馬佳巘蒼岫周遭映帶朝陽暮藹露花

霜竹出沒於空曠有無之間恍然若圖畫中太僕  
卿林公旦嘗宰是邑嘆基址頽圯庫堂隘宇上破

旁穿因命釋永淨主院事乃始即其舊而新之三  
門列峙兩廡翼張輪焉奐焉一切鼎新既又闢田  
三百畝以贍供羞植松十萬本以表衆山之森列  
皆永淨與其徒協心聯力而又卒之以不私如是  
宜其有成也崇寧  
元年三月一日記

棲霞觀 延祐四明志在縣西南二百五十步蓬萊

山下舊名蓬萊觀秦徐福梁陶弘景皆隱迹於此  
隋大業元年廢唐天寶十三年台州刺史袁仲宣  
復置大中元年令楊弘正重修宋治平二年改令  
額淳熙末遷於山之西嘉定十三年道士張太原

於舊址重建象山縣志後圯明洪武元年重建嘉靖三十二年築城知縣毛德京徙城內下舊址二十步

大瀛海道院

至正四明續志在縣東二十里爵溪

元至元二十七年里人王一真建

吳澄大瀛海道院記象山縣之

東二十里曰爵溪潮汐齧衝賈舶絡繹世傳神仙安期生之屬所往來也故其民好道而其鄉曰遊仙至元癸未鄉人王翁棄妻子改名一真結屋其隈前代善書者有大瀛海三字購而得之因以為扁大德丁未天台崇道觀道士呂虛夷為縣令禱雨有應王翁一見莫逆遂與共處王逝而呂嗣主



教者命之世守方將大其居又欲資一言久其名也於是乎書以遺之時延祐第六春也

### 定海縣

勅建普濟禪寺 普陀山志在補陀山南梁貞明二年

日本僧慧諤得觀音相於五臺山將迎歸本國舟觸新螺礁諤禱曰使我國衆生無緣見佛當從何所立精藍有頃舟向潮音洞泊焉居民張氏目覩斯異遂捨所居築室奉之號為不肯去觀音院宋元豐三年改建賜額寶陀觀音寺置田度僧紹興

三年殿摧賜錢萬緡修飾七年殿成御書圓通寶殿以賜僧德韶創龍章閣藏之元大德四年命治

演法堂

劉唐寶陀寺記慶元之補陀浴迦者奇巖複嶂幽洞靈巖錯立層出華嚴經所謂善

財二十八叅觀音與諸大菩薩圍繞說法即其地也寺曰寶陀創始於宋元豐間其在東南無論遐邇卑尊靡不皈依瞻仰皇后福德日盛乃大德二年春特命中御府臣李英驛降祝香使還復命修繕像設明年春宿衛臣博羅等再馳祝香內出中金百兩飭江浙行省遣吏同涖其役又明年春宿衛臣魏額森塔爾楚三馳祝香御命飯僧周閱貝典今年春仍命塔爾楚偕李特穆爾布哈持五綵旛旌祐祝香以往又出內寶幣二千緡治演法堂暨廬舍之地腐者又飭行省捐土田之在官者二十頃

界之俾每歲以寅午戌月諷誦祈禱至是命中正  
院傳命翰林臣俾用文字刻貞石以垂永久謹詮  
次如元統元年宣讓王施鈔千錠建太子塔於寺  
右

南明洪武二十年信國公湯和徙居民入內地焚  
其殿宇供瑞相於郡棲心寺僅留鐵瓦殿一所正  
德十年僧淡齋於潮音洞南建正殿五間方丈二  
十間嘉靖二十年總督胡宗憲遷殿宇於定海之  
招寶山迎大士像供焉餘舍盡焚隆慶元年五臺  
僧真松來山稍為修復萬曆六年僧真表創天王

殿雲會堂十四年建藏經殿頒賜藏經立靜室五  
十三處二十六年火金石盡燬惟大士寶軀獨存  
三十年發帑遣太監張隨更建藏殿三十三年正  
月復發帑金遣張隨重建圓通等殿賜額護國永  
壽普陀禪寺定海縣志後嫌舊基淺隘遷靈鷲巖麓

今其址也

王安石遊洛伽山詩山勢欲壓海禪宮  
向此開魚龍腥不到日月影先來樹色

秋擎出鐘聲浪荅回何期乘吏役暫此拂塵埃高  
翥昌國縣普濟寺小亭詩鯨海中流地龍峯小洞  
天亭高先得月樹老久忘年大士居鄰境閒僧指  
便船若為風浪息更結普陀緣丁鶴年題昌國普

陀寺詩神盤屹立戴崔嵬  
俛瞰滄溟水一杯積翠  
自天開卷畫布金隨地起  
樓臺祈靈漢使乘槎到  
傳法梁僧折葦來若使祖  
龍知勝槩豈應驅石訪  
蓬萊沈一貫禮洛伽山詩  
近有三生紫竹緣何須  
十地與諸天獨騎香象開  
龍國故擊靈鼉撼蜃川  
銀浪秋掀天影澹金輪朝  
發海光圓但將一勺澄  
心地舉目千  
花盡是蓮

國朝順治八年夏燬大殿獨存  
康熙十年徙僧內地二  
十八年定海總兵官黃大來  
奏請重修

欽差侍衛萬爾達等齎帑金  
一千兩分賜普陀法雨兩  
寺重建佛殿三十八年

聖祖仁皇帝南巡復賜帑金五百兩重修

勅改今名

御賜自在觀世音一尊銀製吉慶阿哥一尊寶印一顆滲

金佛三尊金剛經一部佛塔心經金字心經各一

部臨米芾書單條一幅

御書普濟羣靈潮音洞皓月禪心扁額四十二年又

御書大圓通殿獅子窟二額四十三年

御製南海普陀山重建普濟禪寺碑文勒石寺中

恭紀  
首卷又

御書宣布聲聞四字四十六年又

賜旃檀林五十九年又

御書海月常輝諸扁額雍正九年奉

旨賜帑金遣官修建

御製普陀山普濟寺碑文勒石寺中

恭紀  
首卷

勅建法雨禪寺 寧波府志在白華頂左光熙峯下普

陀山志有麻城僧真融明萬曆八年來普陀結茅

數楹於峯下漸建圓通等殿以海潮名菴二十二

年郡守吳安國改額曰海潮寺真融徒如壽等又  
為增建殿宇規制宏麗二十四年太監黨禮請於  
朝賜額護國鎮海禪寺

國朝康熙二十八年

聖祖仁皇帝賜帑金同普濟寺重建三十八年復

賜帑金重修

勅改今名

御賜救度佛母一尊赤金大士一尊



御書天花法雨梵音洞并修持淨業諸扁額又

御賜金剛經一部臨米芾書一幅四十三年

御製南海普陀山重建法雨禪寺碑文勒石寺中

恭紀  
首卷 雍

正九年奉

旨賜帑金重修

御製普陀山法雨寺碑文

恭紀  
首卷

勒石寺中

祖印寺 至正四明續志在城東南元在朐山舊名

蓬萊山晉天福五年建宋治平二年賜今額嘉熙

二年邑令余桂遷於此以接待寺併為一定海縣  
志明廢縣遷入城中宣德間都指揮張翥重建正  
統七年災成化五年總督張勇復新之後燬獨大  
殿巋然獨存

國朝康熙三十一年總兵藍理增建

普慈寺 定海縣志在城北二里至正四明續志唐

大中十四年名觀音院宋治平元年賜今額慶元  
間重建淳祐五年火復建成化四明郡志明洪武

二十年殿圯永樂二年僧志辨於舊址重建

龍德字遊

普慈寺詩山廻碧海外寺在翠微中落木晴鳴雨  
疎鐘晚度風最憐塵世隔況與故人同禮佛談遺

像方知  
色相空

萬壽寺 成化四明郡志在城東北三十里舊名永

福宋建隆元年建治平元年賜今額定海縣志後


燬今復建舊傳有秋蓀綠葉紫莖生於山名萬壽

香蓋在寺旁云

石佛菴 定海縣志在大周嶺西溪山曲折蓬海之

別洞天也明洪武間僧法通從慈谿回見石佛浮  
來創此菴天啓初僧如登重建

柏子菴 普陀山志僧心一建



浙江通志卷二百三十